



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

3. Quoniam alto &c. Bulla Eugenii, quâ damnatur hæresis Bohemicorum,  
Concilium Basiliense dissolvitur, & Bononiam tranfertur: anno 1431.
- 

[urn:nbn:de:hbz:466:1-74452](https://nbn-resolving.de/urn:nbn:de:hbz:466:1-74452)

ANNO  
1431.

nomine Concilii congregare, non ut ibi per eos reformetur, sed ut penitus obruatur Status Ecclesiae & fides Catholica confundatur, licet enim Archiepiscopi & Episcopi quoad reformationem in vita & moribus distinctivas voces habeant in Concilio generali, tamen ex iuramento per eos praestito, parere & obedire mandatis Apostolicis sunt astrixi, nec remanere Basileæ qui erant, nec de novo accedere, sed potius ad venientem Bononiæ se præparare debuerint, postquam decreti nostri notitiam haberunt, verum plerique stare & accedere sunt coacti, in quibus nec jus nec autoritas Concilii generalis consistit, quorum voces & deliberationes minimè liberæ, cum ab eorum qui compulerunt voluntate dependente, itaque digni non sunt neque habiles, qui dent legem Ecclesiae nec aliis nationibus, neque Religioni Christianæ: Nos enim in Concilio proximo celebrando Bononiæ in tempore constituto, vel citius, quam primum sufficiens numerus Praelatorum aderit, videbimus & judicabimus cum consilio in talibus opportuno, super causa eorum, qui Basileæ remanserunt, vel illuc noviter accederunt, & inspirante nos Domino, qui inspirat justa & sancta consilia, in his ad quæ Concilium Basileæ sui principaliter ordinatum, salubriter providere conabimur; Quare, Fili dilekte, Nobilitatem tuam rogamus, quatenus tuos solemnes Oratores ad præfatum Concilium Bononiense transmittas, ac Praelatos Basileæ existentes ad recedendum inde, illosque & alios quam plurimos poteris ad Bononiam veniendi inducas, qui ibidem pro honore tuo adint, in casibus occurrentibus negotia tua dirigant, iustis deliberationibus favcant, & pro veteri consuetudine Christianissima Domus tuæ studeant Ecclesiam Dei à leonibus & draconibus eam impugnabitibus defensare. Datum Romæ apud Sanctum Petrum, anno Incarnationis Dominicæ millesimo quadragesimo tricesimo primo, III. Idus Februarii, Pontificatus nostri anno primo.

R. de Valentia.

Bulla Eugenii, quæ damnatur hæresis Bohemicorum, Concilium Basiliense dissolvitur, & Bononiæ transfertur: anno 1431.

EUGENIUS EPISCOPUS,  
Servus Servorum Dei, ad perpetuam rei memoriæ.

Quoniam alto & incompenſibili Deo consti-  
tuimus reddere vota nostra in conspectu omnis populi & in atris sancti ejus. Postquam claves Domini suscepimus, & Beati Petri naviculam gubernamus, suppressi magno pondere inter procellos mundi motus esse videmur constituti, contuemur enim subortam ista tempestate profanam hæresin Bohemicorum quali venenum inficere præcordia fidelium, inque dies mortali contagio serpere, captareque animos titubantium populorum; & Græcorum errores, ad quorum extirpationem salutaribus experimentis providebatur, propter emergentia incommoda perdurate: Hostes adoranda Crucis ab Asia & Africa imo intra Europam valta cæde atque calamitate invaleſcere contra populum Christianum, & ipsos Principes populosque fidelium inter se concertantes defavere, univerſumque Clerum, paucis admodum exceptis, incedere per tramitem peccatorum.

His igitur malis afflicti clamare cogimur ad Dominum: Excita potentiam tuam, & veni ut salvos facias nos, Deus converte nos, ostende faciem tuam, & salvi erimus Domine Deus virtutum. His & aliis cogitationibus laniantibus mentem nostram, alta nos eura sollicitat, quoniam modo tot malis obſtare & Christianæ saluti pro-

ANNO  
1431.

videre possumus, & dum affectionem nostram flagrantissimam attendimus, vehementissime concitamur, dum verò gerendarum rerum magnitudinem, loca & tempora mensuramus, necessitate conditionis humanæ retardamur. Quoniam res tam arduas tamque difficultates Catholice fidei necessarias luſtrare brevi ſpatio non valemus; Attento maximè, quod cum felicis recordationis Martinus Papa V. Prædecessor dilectum Filium Julianum Sancti Angeli Diaconum Cardinalem pro celebrazione Basiliensis Concilii ad ipsam Civitatem Basileam Legatum definavit, dum nulla ibi Praetorū congregatio adhuc facta foret, intervenient magnæ & necessariae causæ, quibus obſtandum fuit Bohemicæ cladi & saluti fidelium providendum, unde ipse Cardinalis, sicut notorium est, pro conservatione fidei in partibus illis magnis fuit exercitiis occupatus; fecuta demum occulta Dei iudicio Catholicorum fuga p̄missis ad ipsam Civitatem Basileæ dilectis Filii Johanne Polomar Palatii Apostolici caſarum Auditore ac Johanne de Ragusio in Theologia Magistro Ordinis Fratrum Prædicatorum Procuratore, is Cardinalis profectus ad ipsam Civitatem requisitus Praalatis quam plurimi, parvaque ibidem Cleri congregatione fecuta, de consensu eorum, qui in dicta Civitate exiſtunt, dilectum Filium Johannem Pulcri patris in Theologia Magistrum, Canonicum Biſtantinum, ad nos & diēs Fratres noſtri transmisit, qui nobis inter cetera facundè atque prudenter explicata significavit deformationem Cleri in partibus illis, & nefandam ipsius hæresis peſtem pullulare in dies, & jam usque ad partes Basileæ proximas advenisse, fecutis inde scandalis & cladibus abominandis, nam hæresis prædictæ imitatores Clerum inſequentes aliquos expulerunt, & nonnullos inhumaniter trucidarunt, addidit etiam discriminæ initii belli inter dilectos Filios Nobiles Viros Burgundiæ & Austriae Duces aliasque difficultates.

Ex quibus tamen novam Praetorū vocacionem ad Basileam affectare videbatur. Nos quidem examinantes conditionem mundi, temporum & locorum, quod infat tempus hiemis, quodque loca circumstantia Basileæ potissimum versus Austriae & Burgundiæ minus esse transitu ſecura referantur, unde verisimile est, Praelatos in Basilea diutius expectatos non venisse, qui etiam confiderat difficultatibus, temporis ineptitudine, periculisque bellorum allegare poſſent non veniendi dignas rationes. Et li qui pauci veniſſent, tractandis rebus multis & magnis ſufficere non poſſent, quodque præteriit tempus Septemvrii, in quo debuissent ſecundum Statuta Constantiensis Concilii sine alia vocatione congregari. Hæc omnia verfantes animo noſtro, etiam quia proximis diebus carissimus in Christo illustris Filius Johannes Palæologus Constantinopolitanus Imperator, & Venerabilis Frater noſter apud Græcos Constantinopolitanus Patriarcha, ſuum Oratorem ad nos & venerabiles Fratres noſtri Sanctæ Romanæ Ecclesiæ Cardinales transmisſerunt, qui nos requiſivit juxta tractata per Prædecessorem noſtrum cum Concilio ipſorum Cardinalium, de quorum numero tunc eramus, pro unione Græcorum Orientalis Ecclesiæ cum Romana & universali Ecclesia in loco eis condicto celebrari, unde nos ſecundum dictas conventiones & propter executionem tanti boni obtulimus pro adventuris Græcorum Praelatis & Oratoribus pro transitu ad Italiam & redditu ad Græciam, pro galeis & aliis neceſſariis impensas opportunas, cum quibus Græcis de unione tractari poſuiſet; Dum nominatae fuiffent, Romæ, Ancona, & Bononia & alia Italæ loca; Demum licet Roma, Nobis & Fratribus noſtri comodior extiſſet, in Civitate Bononiæ putavimus aptius convenire, quæ propter habilita-

A N N O  
1431.


236  
tem navigationis eorum & propter vicinorem adi-  
tum Ultra montanorum ad Italiam , capacitatem  
loci & alias conditiones idoneas reputatur.

Promiserunt itaque præfati Imperator & Patriar-  
cha solemnes suos Oratores transmittere, sicuti ante  
notitiam obitus præfati nostri Prædecessoris trans-  
mittebant. Hæc omnia cum dictis Fratribus nostris  
considerantes, quod ex tota Republica Christiano-  
rum nihil sanctius, nihil optabilius esse potest, quam  
Græcam Ecclesiam, olim tot sanctis & viris clarissi-  
mis illustrem, dimisso errore unam fieri cum Ecclesia  
Romana, comprehendimus necellarium esse ad con-  
veniens spaciū temporis in Bononia generale Con-  
cilium convocari ; Quapropter si Prelati de novo  
ad Basileam vocarentur, quod convenire non posset  
sine temporis intervallo, utrumque Concilium fere  
uno tempore concurreret, & sic utrumque minus  
auctoritatis haberet, nec Prelati possent in utroque  
interesse, unde pro commodeitate Prelatorum, ne  
bis habeant convenire, ex causis superius declaratis &  
aliis magnis & urgentibus suo loco & tempore de-  
clarandis, magis bonum minori præponentes, præter  
Concilium, quod secundum Statuta Synodi Con-  
stantinensis in decennio venit celebrandum, quod-  
que in ipso decennio in civitate nostra Avinionensi  
volumus celebrari, ex abundanti in civitate Bononiæ  
pro iporum Græcorum reductione, reformatio-  
neque Cleri ac populi Christiani aliud generale  
Concilium decrevimus convocare, & in eo intendimus  
personaliter præsidere Apostolica autoritate &  
subscriberum Fratrum nostrorum Jordani Sabinen-  
sis, Antonii Hostiensis, Hugonis Prænestini, Episco-  
porum : Johannis tituli Sancti Laurentii in Lucina,  
Antonii tituli Sancti Marcelli, Johannis tituli Sancti  
Sixti, Francisci tituli Sancti Clementis, Angelotti

tituli Sancti Marci Presbiterorum ; Lucidi Sanctæ  
Marie in Cosmedin & Ardeci Sanctorum Cosmæ  
& Damiani Diaconorum ejusdem Romanae Ecclesiæ  
Cardinalium, unanimi Consilio & assensu indicimus  
& convocamus, ac præfamat Synodus Basiliensem, si  
qua ibi congregata videatur, dissolvimus & totaliter  
liberamus, Insuper in nomine Christi Dei, ad cuius  
populi salutem totis affectibus aspiramus, Universis  
& singulis Patriarchis, Archiepiscopis, Episcopis,  
Prælatis & Clericis, ad quos interefit, ubincunque con-  
stitutis, indicatis & dissolutis prædictis, declara-  
mus & notificamus, ipsosque requirimus & mon-  
nemus in Domino Iesu Christo, & in vim præstici  
juramentum in Confessionibus eorundem, in virtute  
Sanctæ obedientiae ac etiam Apostolica autoritate  
nostra præcipimus & mandamus, sub pena excom-  
municationis & aliis penis juris, quatenus in anno  
uno cum dimidio à publicatione presentium com-  
putando ad præfatam civitatem Bononiæ pro hoc  
Sacro-Sancto Concilio celebrando, & subsequen-  
ter in decennio in civitate Avinionensi debeant con-  
venire, quos omnes præsenti scripto intendimus  
esse monitos peremptoriæque citatos, ac si eorum  
singuli direkte fuissent monitoria litteræ speciales.

Nulli ergo omnino hominum liceat hanc pagi-  
nam nostræ dissolutionis, liberationis, declaratio-  
nis & præceptionis infringere, vel ei a fu temerario  
contraire; Si quis autem hoc attemptare præsumper-  
rit, indignationem Omnipotentis Dei, & beatorum  
Petri & Pauli Apostolorum ejus se noverit in-  
cursum.

Datum Romæ apud Sanctum Petrum, Anno in  
carnationis Dominicæ Millesto quadringentesimo  
trigesimo primo, secundo Idus Novembri, Pon-  
tificatus nostri anno primo.



Ego Jordan Episcopus Sabin. Domino nostro Eugenio  
aliqualiter impedito, & de ipsius mandato,  
præsentibus præscriptis Dominis Card. subscripsi  
Ego Jordan Episcopus Sabin. nomine proprio subscripsi.  
Ego Antonius Episcopus Hostien. subscripsi.  
Ego H. Episcopus Prænestinus subscripsi.  
Ego Jo. tit. Sti. Laurentii subscripsi.  
Ego Antonius tit. Sti. Marcelli subscripsi.  
Ego Johannis tit. Sti. Sixti me subscripsi.  
Ego F. tit. St. Clemen. me subscripsi.  
Ego A. tit. Sti. Marci Pbr. Card. subscripsi.

Ego Lucidus St. Marie in Cosmedin, Diacon.  
Card.  
Ego Ardeci Sanctorum Cosmæ & Damiani Dia-  
conus Card. subscripsi.

Ja. de Langoste.

De Curia,  
M. de Guadagnie.IV.  
Ex Op. Di-  
plom. Mi-  
rae Tom. 2  
pag. 895.

Per Breve Apostolicum mittit Philippo Bono Bur-  
gundia ac Brabantia Duci Hostiam miraculo-  
fam, quæ modo asservatur Divione in Burgun-  
diæ : anno 1433.

EUGENIUS EPISCOPUS,  
Dilecta Fili, Salutem & Apostolicam benedi-  
ctionem.

Singularis devotionis zelus, quem ad fidem Ca-  
tholicam, & Sacramentum Passionis Domini  
nostræ Iesu Christi gerere Te videmus, meritò nos  
inducit, ut ea Tibi concedamus, quæ devotionem  
tuam, & aliorum Christifidelium augere valeant.  
Tuis igitur in hac parte devotis supplicationibus

annuentes, Tibi Hostiam quandam sub imagine Sal-  
latoris in Throno sedentis, mirabile Sacramentum  
Dominici Corporis multis in locis à vesana cujus-  
dam feritate gladii istib[us] perforatam, & ex eo  
sanguine respersam in locis præfatis, quæ in sa-  
crario nostro erat recondita, tuæ piæ devotioni  
concedimus, & donamus, volentes, & mandantes  
Tibi, ut eam in aliqua Ecclesiærum, quas possides,  
aut in alio loco celebri cum eo honore, & rever-  
entia recondas futuris temporibus venerandam,  
prout tanti Sacramenti majestas & magnitudo re-  
quirit.

Datum Romæ apud Sanctum Laurentium in  
Damaso sub annulo nostro secreto die 17. mensis  
Septembri, Pontificatus nostri anno tertio.

Bulla